

სსიპ
საქართველოს ტექნიკური
უნივერსიტეტი

ბ რ ძ ა ნ ე ბ ა

20.12.2011 № 135

თბილისი

ბაკალავრიატის წარჩინებულ სტუდენტთათვის
პრეზიდენტის სტიპენდიის დანიშვნის წესის
განსაზღვრის შესახებ

„უმაღლესი განათლების შესახებ“ საქართველოს კანონის 22-ე მუხლის, საქართველოს განათლებისა და მეცნიერების მინისტრის „განსაკუთრებით ნიჭიერი ბავშვებისა და ახალგაზრდებისათვის გრანტებისა და სტიპენდიების მინიჭების პროგრამის“ ქვეპროგრამის - „პრეზიდენტის სტიპენდიები ბაკალავრიატის წარჩინებულ სტუდენტებს“ დამტკიცების შესახებ“ 2011 წლის 05 დეკემბრის N833 ბრძანების საფუძველზე და სტუ-ს აკადემიური საბჭოს 2011 წლის 16 დეკემბრის N 571 დადგენილების შესაბამისად სტუ-ს ბაკალავრიატის სტუდენტთათვის აღნიშნული სტიპენდიის დანიშვნის წესის განსაზღვრის მიზნით


ვ ბ რ ძ ა ნ ე ბ :

1. სტუ-ს ბაკალავრიატის სწავლების II, III და IV წლის სტუდენტებს ამ ბრძანებით გათვალისწინებული წესის შესაბამისად დაენიშნოთ პრეზიდენტის 150-ლარიანი სტიპენდია 2011 წლის პირველი ოქტომბრიდან 2012 წლის პირველი იანვრამდე – 3 კალენდარული თვის განმავლობაში;
2. პრეზიდენტის სტიპენდიანტების შერჩევა მოხდეს წინამდებარე ბრძანებით განსაზღვრული წესის შესაბამისად (იხ.დანართი);
3. საქართველოს ტექნიკური უნივერსიტეტის ბაკალავრიატის სწავლების II, III და IV წლის სამშენებლო, ენერგეტიკისა და ტელეკომუნიკაციის, სამთო-გეოლოგიური, ქიმიური ტექნოლოგიისა და მეტალურგიის, სატრანსპორტო და მანქანათმშენებლობის (გარდა ბიზნესის ორგანიზაციისა და ტრანსპორტის მენეჯმენტის სპეციალობებისა), არქიტექტურის, ურბანისტიკისა და დიზაინის, ინფორმატიკისა და მართვის სისტემების ფაკულტეტების და ბიზნეს-ინჟინერინგის ფაკულტეტის ტურიზმისა და ეკონომიკის სპეციალობის ყველა იმ სტუდენტს, რომლებსაც 2010–2011 სასწავლო წლის ზაფხულის სესიების შედეგების მიხედვით აქვთ რეიტინგი 91% და მეტი, დაენიშნოთ პრეზიდენტის სტიპენდია;
4. საქართველოს ტექნიკური უნივერსიტეტის ბაკალავრიატის სწავლების II, III და IV წლის ბიზნეს-ინჟინერინგის ფაკულტეტის ყველა სპეციალობის (გარდა ტურიზმისა და ეკონომიკისა) და სატრანსპორტო და მანქანათმშენებლობის

ფაკულტეტის ბიზნესის ორგანიზაციისა და ტრანსპორტის მენეჯმენტის სპეციალობის სტუდენტებს, რომლებსაც 2010-2011 სასწავლო წლის ზაფხულის სესიების შედეგების საფუძველზე შედგენილი რანჟირებული სიების მიხედვით აქვთ საუკეთესო მოსწრება (არანაკლებ 91%-ისა), დაენიშნოთ პრეზიდენტის სტიპენდია ამ ფაკულტეტების ზემოთაღნიშნულ სპეციალობებზე სტუდენტთა ჯამური კონტინგენტის პროცენტული წილის შესაბამისად;

5. თუ გათვალისწინებული რომელიმე კრიტერიუმის დაუკმაყოფილებლობის გამო გაუნაწილებელი დარჩა სტიპენდიები, ისინი გადაეცემა მაღალი რეიტინგის მქონე სხვა სტუდენტებს;
6. პრეზიდენტის სტიპენდიანტთა შერჩევას თანაბარი აკადემიური მოსწრების შემთხვევაში, გათვალისწინებული უნდა იყოს სტუდენტის მონაწილეობა სტუდენტურ კონფერენციებში და სხვა აქტივობები; ასეთ შემთხვევაში საბოლოო გადაწყვეტილებას იღებს ფაკულტეტის საკონკურსო კომისია;
7. სტიპენდიანტთა შერჩევის შედეგები გამოიკრას შესაბამის ფაკულტეტებზე თვალსაჩინო ადგილას და განთავსდეს სტუ-ს ოფიციალურ ვებგვერდზე;
8. ფაკულტეტების საკონკურსო კომისიების წარდგინების საფუძველზე მომზადდება და გამოიცემა რექტორის ბრძანება პრეზიდენტის სტიპენდიების დანიშვნის თაობაზე;
9. ბრძანება გამოიკრას უნივერსიტეტის ადმინისტრაციულ კორპუსში და ფაკულტეტებზე თვალსაჩინო ადგილას და განთავსდეს სტუ-ს ოფიციალურ ვებგვერდზე;
10. ბრძანებაზე კონტროლი დაევალოს სწავლების დეპარტამენტის უფროსს ი.ლომიძეს

რექტორი



ა. ფრანგიშვილი


ვიზები:

რექტორის მოადგილე
სასწავლო დარგში **ლ.კლიმაშვილი**

სწავლების დეპარტამენტის
უფროსი **ი. ლომიძე**

ადმინისტრაციის ხელმძღვანელი
ქ. ქოქრაშვილი

იურიდიული დეპარტამენტის
უფროსი **ბ.მაისურაძე**



2011-2012 სასწავლო წლის ოქტომბერის, ნოემბერის და დეკემბრის თვეებში სტუ-ს ბაკალავრატის წარჩინებული სტუდენტებისათვის პრეზიდენტის სტიპენდიანტთა შერჩევის წესი.

1. საქართველოს განათლებისა და მეცნიერების მინისტრის 2011 წლის 05 დეკემბრის N833 ბრძანებით სტუ-ს ბაკალავრიატის წარჩინებულ სტუდენტებისათვის 2011 წლის ოქტომბერის, ნოემბერის და დეკემბრის თვეებისათვის გამოყოფილი პრეზიდენტის 257 სტიპენდია ფაკულტეტებზე ბაკალავრიატის სტუდენტებზე პირველ რიგში განაწილდეს პრიორიტეტული სპეციალობების მიხედვით (ყველა საინჟინრო სპეციალობები, აგრეთვე ტურიზმი და ეკონომიკა);
2. პრეზიდენტის სტიპენდია დაინიშნოს 2010-2011 სასწავლო წლის ზაფხულის სესიების შედეგების მიხედვით;
3. ფაკულტეტებზე, დეკანის ფუნქციის შემსრულებლების ბრძანებით შეიქმნას საკონკურსო კომისიები პრეზიდენტის სტიპენდიანტთა შერჩევის კრიტერიუმების შესამუშავებლად და პრეზიდენტის სტიპენდიანტთა შესარჩევად, რომლებიც იხელმძღვანელებს შემდეგით:
 - პრეზიდენტის სტიპენდია დაენიშნება ბაკალავრიატის სწავლების II, III და IV წლის სამშენებლო, ენერგეტიკისა და ტელეკომუნიკაციის, სამთო-გეოლოგიური, ქიმიური ტექნოლოგიისა და მეტალურგიის, სატრანსპორტო და მანქანათმშენებლობის (გარდა ბიზნეს ორგანიზაციისა და ტრანსპორტის მენეჯმენტის სპეციალობებისა), არქიტექტურის, ურბანისტიკისა და დიზაინის, ინფორმატიკისა და მართვის სისტემების ფაკულტეტების ყველა სპეციალობის და ბიზნეს ინჟინერინგის ფაკულტეტის ტურიზმისა და ეკონომიკის სპეციალობის იმ წარჩინებულ სტუდენტებს, რომელთა აკადემიური მოსწრება შეადგენს 91% და მეტს;
 - პრეზიდენტის სტიპენდიების დარჩენილი რაოდენობა დაენიშნება ბიზნეს-ინჟინერინგის ფაკულტეტის ყველა სპეციალობის (გარდა ტურიზმისა და ეკონომიკისა) და სატრანსპორტო და მანქანათმშენებლობის ფაკულტეტის ბიზნესის ორგანიზაციისა და ტრანსპორტის მენეჯმენტის სპეციალობის ბაკალავრიატის სწავლების II, III და IV წლის წარჩინებულ სტუდენტებს, ამ ფაკულტეტებზე სტუდენტთა კონტინგენტის პროცენტული წილის შესაბამისი რანჟირებული სიების მიხედვით.
 - პრეზიდენტის სტიპენდიის დანიშვნისას ფაკულტეტებზე თანაბარი აკადემიური მოსწრების შემთხვევაში, გათვალისწინებული უნდა იყოს სტუდენტის მონაწილეობა სტუდენტურ კონფერენციებში და სხვა აქტივობები; ასეთ შემთხვევებში საბოლოო გადაწყვეტილებას იღებს ფაკულტეტის საკონკურსო კომისია;
4. ფაკულტეტის საკონკურსო კომისიების წარდგინების საფუძველზე გამოიცეს რექტორის ბრძანება პრეზიდენტის სტიპენდიების დანიშვნის თაობაზე.